

সফটওয়্যারের কারুকাজ

ডাটা কানেকশন ডিজ্যাবল করা

মাইক্রোসফট এইচকিউর সাথে আপনার কমপিউটারের যোগাযোগকে প্রতিরোধ করতে স্টার্ট মেনুর সার্চ বারে 'services' টাইপ করুন সার্ভিসেস ম্যানেজমেন্ট কন্সোল আনার জন্য। এবার 'Diagnostics Tracking Service' ও 'dmwappushsvc' সার্ভিস নেম খুঁজে বের করে ডিজ্যাবল করুন।

উন্নত করা রেজিস্ট্রি এডিটর

যদি আপনি উইন্ডোজ রেজিস্ট্রি এডিটর ব্যবহার করে থাকেন, তাহলে ব্যবহারকারীরা খুব সহজে উইন্ডোজ ১০ পাওয়ার ইউজার অ্যাপ নেভিগেট করার সুযোগ পাবেন।

ব্যবহারকারীরা ইচ্ছে করলে একই HKEY_LOCAL_MACHINE ও HKEY_CURRENT_USER হাইভের অন্তর্গত একই এন্ট্রির মাঝে জাম্প করতে পারবেন স্পেশাল কনটেক্সট মেনু এন্ট্রি ব্যবহার করে।

উইন্ডোজ আপডেট পলিসি মডিফাই করা

যদি আপনি সব সময় আসন্ন উইন্ডোজ আপডেট সম্পর্কে নোটিফাই হতে চান, তাহলে রেজিস্ট্রি এডিটরে সেটিং পরিবর্তন করে নিতে পারেন। এ জন্য চালু করুন regedit ও মনোনীবেশ করুন HKEY_LOCAL_MACHINE\SOFTWARE\Policies\Microsoft\Windows key রেজিস্ট্রি কী-তে নেভিগেট করুন। এবার উইন্ডোজ কী-এর অন্তর্গত একটি নতুন কী তৈরি করুন এবং এর নাম সেট করুন WindowsUpdate হিসেবে।

এরপর আরেকটি নতুন কী তৈরি করুন WindowsUpdate কী-এর অন্তর্গত এবং নাম দিন AU। এখানে আরেকটি নতুন DWORD তৈরি করুন এবং AUOptions নাম দিন। এরপর এর ভ্যালু সেট করুন ২।

সবশেষে উইন্ডোজ আপডেটে 'Check for updates'-এ ক্লিক করুন পরিবর্তনগুলোকে কার্যকর করার জন্য।

আগের ভলিউম কন্ট্রোল ইউআই রিস্টোর করা

সিস্টেম ট্রেতে ভার্টিকাল ভলিউম লেভেল ফিরিয়ে আনার জন্য রেজিস্ট্রি এডিটর ওপেন করে মনোনীবেশ করুন HKEY_LOCAL_MACHINE\Software\Microsoft\Windows NT\CurrentVersion\key রেজিস্ট্রি কী-তে।

এরপর একটি নতুন কী তৈরি করে নাম দিন MTCUVC এবং এর অন্তর্গত একটি নতুন DWORD ভ্যালু তৈরি করে নাম দিন EnableMtcUvc এবং এর ভ্যালু সেট করুন 0। এর ফলে ভলিউম কন্ট্রোল ইউআই রিস্টোর হবে।

নেভিগেশন প্যান স্ট্রিমলাইন

উইন্ডোজ এক্সপ্লোরারে ওয়ানড্রাইভ লিঙ্ক অপসারণ করার জন্য রেজিস্ট্রি এডিটর চালু করে মনোনীবেশ করুন HKEY_CLASSES_ROOT\CLSID\{018D5C66-4533-4307-9B53-224DE2ED1FE6} রেজিস্ট্রি কী-তে। এরপর ডান দিকের প্যানো ভ্যালু

System.IsPinnedToNameSpaceTree-এ পরিবর্তন করে ০-এ সেট করুন।

তাহমিনা আক্তার
ব্যাংক কলোনি, সাতার

পাওয়ার ইউজার মেনু কাস্টোমাইজ করা

রিঅর্গানাইজ অথবা এন্ট্রি রিমুভ করার জন্য অ্যাক্সেস করুন C:\Users\\App Data\Local\Microsoft\Windows\WinX-এ। এখানে আপনি নোটিস করতে পারবেন তিনটি ফোল্ডার, যা পাওয়ার ইউজার মেনুর জন্য হাউজ এন্ট্রি। আপনি এগুলো অপসারণ করতে পারবেন।

কর্টনার সাথে ই-মেইল সেভ করা

হ্যাড ফি ই-মেইল সেভ করার জন্য আপনি ইচ্ছে করলে কর্তনা ব্যবহার করতে পারবেন। ধরুন, 'Send an email to [Name]' মেসেজ অনুসরণে যান।

People অ্যাপে কর্তনা [Name]-এর জন্য সার্চ করে। আপনার বলা টেক্সটসহ ই-মেইল কম্পোজ করুন। যদি কোনো পরিবর্তন করতে না চান, তাহলে তাহলে শুধু 'Send' বললেই হবে।

এজ ব্রাউজারে কর্তনা

কর্তনা আপনাকে সহায়তা করতে পারে ইন্টারনেট ব্রাউজ করার ক্ষেত্রে। মাইক্রোসফট এজে কর্তনা এনাবল করার জন্য Settings → Advanced Settings → View Advanced Settings-এ নেভিগেট করুন এবং 'Privacy and Services'-এর অন্তর্গত এনাবল করুন 'Have Cortana Assist Me in Microsoft Edge'।

বলরাম বিশ্বাস
আম্বরখানা, সিলেট

মাইক্রোসফট ওয়ার্ডের কিছু টিপস

ওয়ার্ডে ক্যালকুলেটর যুক্ত করা

কখনও কখনও ওয়ার্ডে গাণিতিক হিসাব-নিকাশের কাজ করতে হয়। এ জন্য ব্যবহারকারীকে কমপিউটারের স্থানীয় ক্যালকুলেটর ব্যবহার করার প্রয়োজন হয় না। এমনকি আলাদা কোনো ফিজিক্যাল ক্যালকুলেটরও ব্যবহার করার দরকার হয় না। কেননা, খুব সহজে ওয়ার্ডে ক্যালকুলেটর যুক্ত করা যায়।

পিসিতে ক্যালকুলেটর যুক্ত করার জন্য File → Options → Quick Access Toolbar-এ যান। এবার All Commands-এ সুইচ করুন এবং Calculate Command-এ ক্লিক করুন Quick Access Toolbar যুক্ত করার জন্য। এবার সেভ করার পর ওয়ার্ড উইন্ডোর ওপর একটি নন-ডেসক্রিপটিভ গ্রে বর্গের বৃত্ত দেখতে পাবেন। এবার যদি আপনার ডকুমেন্টে একটি ইন্সертন হাইলাইট করে বৃত্তে ক্লিক করেন, তাহলে ক্যালকুলেশনের উত্তর পাবেন স্ক্রিনে নিচে। এ ফংশন ম্যাকে দেখা যাবে না।

ডেট ও টাইম অটো আপডেট করা

কখনও কখনও আপনাকে একই ডকুমেন্ট বারবার ব্যবহার করতে হয়। এ ক্ষেত্রে কিছু কী

ডিটেইলস আপডেট করতে হবে। ধরুন, আপনি একটি ডকুমেন্ট তৈরি করছেন, যেখানে ডেট বা টাইম সম্পৃক্ত করতে হবে। কিছু কৌশল অবলম্বন করে খুব সহজে স্বয়ংক্রিয়ভাবে ডেট ও টাইম বসানো যায়।

এবার Insert ট্যাবের অন্তর্গত Date & Time বাটনে ক্লিক করলে একটি পপআপ উইন্ডো আবির্ভূত হবে। এবার আপনার কাজের ডেট ফরম্যাটে ক্লিক করুন এবং এরপর নিশ্চিত করুন নিচের ডান প্রান্তে 'update automatically' বক্সে ক্লিক করার ব্যাপারে। এর ফলে ডেট স্বয়ংক্রিয়ভাবে আপডেট হবে যখনই ডকুমেন্ট ওপেন হবে বা প্রিন্ট করা হবে। ম্যাকের ক্ষেত্রে Insert → Date and Time ক্লিক করতে হবে।

পিডিএফ ও এইচটিএমএলে কনভার্ট করা

ওয়ার্ড ডক ফাইলকে পিডিএফ বা এইচটিএমএল ফাইলে রূপান্তর করা যায়। যখন আপনি ফাইলকে 'Save as' করবেন, তখন 'Save as type' পুল-ডাউন মেনু দেখতে পাবেন, যা সম্পৃক্ত করে PDF ও Web Pageসহ কিছু অপশন।

লক্ষণীয়, ওয়েব পেজ ফাংশন সম্পৃক্ত করতে পারে বাড়তি কিছু কোড। এই বাড়তি কোড পেজে তেমন কোনো ইফেক্ট ফেলে না। তবে কিছু অপশন আছে ফ্রি কনভার্সন ব্যবহার করার জন্য, যেমন- ওয়ার্ড থেকে ক্লিন এইচটিএমএল (Word to Clean HTML), যা টেক্সট থেকে এইচটিএমএল কোড তৈরি করে। এটি একটি ওয়ার্ড থেকে সরাসরি কপি পেস্ট করতে পারে।

শামীম
মিরপুর-১২, ঢাকা

কারুকাজ বিভাগে লিখুন

কারুকাজ বিভাগের জন্য প্রোগ্রাম ও সফটওয়্যার টিপস বা টুকটাকি লিখে পাঠান। লেখা এক কলামের মধ্যে হলে ভালো হয়। সফট কপি সহ প্রোগ্রামের সোর্স কোডের হার্ড কপি প্রতি মাসের ২০ তারিখের মধ্যে পাঠাতে হবে।

সেরা ৩টি প্রোগ্রাম/টিপসের লেখককে যথাক্রমে ১,০০০, ৮৫০ ও ৭০০ টাকা পুরস্কার দেয়া হয়। সেরা ৩টি টিপস ছাড়াও মানসম্মত প্রোগ্রাম/টিপস ছাপা হলে তার জন্য প্রচলিত হারে সম্মানী দেয়া হয়। প্রোগ্রাম/টিপসের লেখকদের নাম কমপিউটার জগৎ-এর বিসিএস কমপিউটার সিটি অফিস থেকেও জানা যাবে। পুরস্কার কমপিউটার জগৎ-এর বিসিএস কমপিউটার সিটি অফিস থেকে সংগ্রহ করতে হবে। সংগ্রহের সময় অবশ্যই পরিচয়পত্র দেখাতে হবে এবং পুরস্কার চলতি মাসের ৩০ তারিখের মধ্যে সংগ্রহ করতে হবে।

এ সংখ্যায় প্রোগ্রাম/টিপসের জন্য প্রথম, দ্বিতীয় এবং তৃতীয় হয়েছেন যথাক্রমে- তাহমিনা আক্তার, বলরাম বিশ্বাস ও শামীম।